

Հայաստանի Հանրապետության կառավարությունը որոշում է.

1. Հայաստանի Հանրապետության կառավարության 2010 թվականի հունիսի 17-ի «Քաղաքացիական ավիացիայի օդանավերով ուղևորների կողմից զենքի և փամփուշտների փոխադրման կանոնները հաստատելու և Հայաստանի Հանրապետության կառավարության 2002 թվականի մայիսի 22-ի N 615 որոշումն ուժը կորցրած ճանաչելու մասին» N 843-Ն որոշման հավելվածում կատարել հետևյալ փոփոխությունները և լրացումները՝

1) 6-րդ կետում «բաժին» բառը փոխարինել «բաժնի ուղևորային համալիրում գտնվող առանձնացված սենյակ» բառերով.

2) 6-րդ, 8-րդ կետերում և N 1 ձևի 1-ին կետում «աշխատողի» և «աշխատողը» բառերը փոխարինել «ծառայողի» և «ծառայողը» բառերով.

3) լրացնել հետևյալ բովանդակությամբ նոր՝ 6.1-ին և 6.2-րդ կետերով.

«6.1. Հայաստանի Հանրապետության օդանավակայաններից Եվրասիական տնտեսական միության անդամ պետությունների օդանավակայաններ ուղևորների կողմից զենքի փոխադրման դեպքերում օդանավ շահագործողի օդանավակայանային ներկայացուցիչը հաշվառման ժամանակ ուղևորի կողմից զենքի փոխադրման մասին հայտնելուց հետո անմիջապես տեղեկացնում է օդանավակայանի ոստիկանության գծային բաժնին տվյալ չվերթով զենքի փոխադրման մասին, որից հետո ոստիկանության համապատասխան ծառայողն ուղևորին զենքի և կից փաստաթղթերի հետ միասին ուղեկցում է ոստիկանության գծային բաժնի ուղևորային

համալիրում գտնվող առանձնացված սենյակ, որտեղ ստուգվում են ուղևորի անձը հաստատող փաստաթղթերը, ծառայողական զենքի դեպքում՝ գործուղման թերթիկը, իսկ քաղաքացիական զենքի դեպքում՝ տվյալ զենքը Հայաստանի Հանրապետության տարածքից արտահանելու թույլտվությունը: Ոստիկանության ծառայողն ստուգում է նաև զենքը, դրա տեսակի, մոդելի, համարի համապատասխանությունը փաստաթղթերի մեջ նշված տվյալներին, որոնց մասին գրառում է կատարվում փոխադրվող զենքի ստուգման մատյանում (ձև N 5):

6.2. Ջենքի և փաստաթղթերի ստուգումն իրականացնելուց հետո ոստիկանության ծառայողը տվյալ ուղևորին փոխադրման ենթակա զենքի և փաստաթղթերի հետ միասին ուղեկցում է օդանավակայանի ավիացիոն անվտանգության ծառայություն, որտեղ ավիացիոն անվտանգության զննման գործառույթներ իրականացնող խմբի ավագի հետ միասին կազմում են օդանավով փոխադրման համար պահպանության հանձնված զենքի մասին արձանագրություն (ձև N 1): ».

4) լրացնել հետևյալ բովանդակությամբ նոր՝ 23.1-ին կետով.

«23.1. Եվրասիական տնտեսական միության անդամ պետությունների օդանավակայաններից Հայաստանի Հանրապետության օդանավակայաններ զենքի ներկրման դեպքում օդանավակայանի ավիացիոն անվտանգության ծառայության հերթափոխի պետը դիմավորում է օդանավը, զենքի ընդունման համար պատասխանատու նշանակված օդանավի անձնակազմի անդամի հետ ստուգում կնիքի և զենքի առկայությունը, որից հետո ստորագրում է արձանագրության օրինակը՝ զենքն ստանալու համար: Օդանավակայանի ավիացիոն անվտանգության ծառայության հերթափոխի պետը զենքը և արձանագրության օրինակն օդանավակայանի ժամանման սրահի զննման կետում հանձնում է օդանավակայանի ոստիկանության գծային բաժնի համապատասխան ծառայողին, որն ստորագրում է զենքի փոխադրման արձանագրության մեջ, ընդունում է ներկրված զենքը, ժամանած ուղևորին զենքի և կից փաստաթղթերի հետ միասին ուղեկցում է օդանավակայանի ոստիկանության

գծային բաժնի ուղևորային համալիրում գտնվող առանձնացված սենյակ՝ զենքի, ուղեկցող փաստաթղթերի ստուգում իրականացնելու նպատակով: Գործուղման նպատակով ժամանած ուղևորին զենքը հանձնվում է օդանավակայանի ոստիկանության գծային բաժնի ուղևորային համալիրում գտնվող առանձնացված սենյակում՝ գործուղման փաստաթղթերի համապատասխանության դեպքում, այլ նպատակով ներկրված զենքը պահվում է ոստիկանության գծային բաժնում մինչև համապատասխան լիազոր մարմնի կողմից ներկրման թույլտվությունն ուղևորի կողմից ներկայացնելը: Թույլտվության ներկայացումից հետո ներկրված զենքը ոստիկանության գծային բաժնից հանձնվում է ուղևորին: ».

5) 26-րդ կետում «ակոսափող և ողորկափող որսորդական, ինչպես նաև կարճ ակոսափող հրազենները» բառերը փոխարինել «քաղաքացիական, ծառայողական և ձեռքի մարտական հրաձգային:» բառերով.

6) 27-րդ կետը շարադրել հետևյալ խմբագրությամբ.

«27. Ջենքը որպես ուղեբեռ օդանավով փոխադրման հանձնելու դեպքում օդանավակայանի ուղևորների փոխադրման ծառայության հերթափոխի պետը կամ օդանավ շահագործողի օդանավակայանային ներկայացուցիչն ստուգում է զենքի վերաբերյալ համապատասխան մաքսային հայտարարագրի առկայությունը, իսկ Եվրասիական տնտեսական միության անդամ պետությունների օդանավակայաններ ուղևորների կողմից որպես ուղեբեռ զենքի փոխադրման դեպքերում օդանավակայանի ուղևորների փոխադրման ծառայության հերթափոխի պետը կամ օդանավ շահագործողի ներկայացուցիչը զենքի փոխադրման մասին տեղեկացնում են օդանավակայանի ոստիկանության գծային բաժնին տվյալ չվերթով զենքի փոխադրման մասին, որից հետո ոստիկանության համապատասխան ծառայողն ուղևորին զենքի և կից փաստաթղթերի հետ միասին ուղեկցում է օդանավակայանի ոստիկանության գծային բաժնի ուղևորային

համալիրում գտնվող առանձնացված սենյակ, որտեղ համապատասխան ծառայողի կողմից ստուգվում են ուղևորի անձը հաստատող փաստաթղթերը, ծառայողական զենքի դեպքում գործուղման թերթիկը, իսկ քաղաքացիական զենքի դեպքում՝ տվյալ զենքը Հայաստանի Հանրապետության տարածքից արտահանելու թույլտվությունը: Ծառայողն ստուգում է զենքը, դրա տեսակի, մոդելի, համարի համապատասխանությունը փաստաթղթերում նշված տվյալներին, որոնց մասին գրառում է կատարվում փոխադրվող զենքի ստուգման մատյանում:».

7) լրացնել հետևյալ բովանդակությամբ նոր՝ 27.1-ին կետով.

«27.1 Զենքի և փաստաթղթերի ստուգումն իրականացնելուց հետո ոստիկանության համապատասխան ծառայողն ուղևորին փոխադրման ենթակա զենքի և փաստաթղթերի հետ միասին ուղեկցում է օդանավակայանի ավիացիոն անվտանգության ծառայություն, որտեղ ավիացիոն անվտանգության զննման գործառույթներ իրականացնող խմբի ավագի հետ միասին կազմում են օդանավով որպես ուղեբեռ փոխադրման համար պահպանության հանձնված զենքի մասին արձանագրություն (ձև N 1): Արձանագրության կազմման և զենքը փոխադրման ընդունումից հետո իրականացվում են սույն կանոնների 2-րդ գլխով սահմանված միջոցառումները: ».

8) 28-րդ կետը շարադրել հետևյալ խմբագրությամբ.

«28. Արձանագրության կազմումից հետո որպես ուղեբեռ փոխադրվող զենքն ու փանփուշտները փաթեթավորվում են, ընդ որում, զենքը փաթեթավորվում է փանփուշտակալից և փանփուշտներից առանձին, որից հետո դրանք հաշվառվում և գրանցվում են որպես ուղեբեռ և ընդունվում են փոխադրման: Որպես ուղեբեռ փոխադրման ընդունված փաթեթավորված զենքն ու դրա փանփուշտներն օդանավով փոխադրվում են ուղևորների համար անհասանելի տեղում՝ օդանավի բեռնային խցիկներում: ».

9) լրացնել հետևյալ բովանդակությամբ նոր՝ 32.1-ին կետով.

«32.1. Իրավապահ մարմինների այն ծառայողները, որոնց հանձնարարված է օդանավով իրականացնել արգելանքի տակ գտնվող անձանց ուղեկցում, օդանավի սրահում չեն կարող կրել զենք: Նման դեպքերում նրանք պետք է զենքը հանձնեն օդանավի հրամանատարին, այն թռիչքի ընթացքում օդանավի անձնակազմի խցիկում գտնվող մետաղական պահարանում պահպանելու համար: Օդանավի հրամանատարի կողմից օդանավի անձնակազմի խցիկում զենքի փոխադրման ընդունման դեպքում կազմվում է օդանավի անձնակազմի խցիկում փոխադրման համար պահպանության հանձնված զենքի մասին արձանագրություն՝ համաձայն N 4 ձևի, իսկ զենքի լիցքաթափումը և ստուգումն իրականացվում է իրավապահ մարմնի ծառայողի կողմից: ».

10) հավելվածի N 1 ձևը շարադրել հետևյալ խմբագրությամբ.

«Ձև N 1

Ա Ր Ձ Ա Ն Ա Գ Ր ՈՒ Թ Յ ՈՒ Ն N _____

ՕԴԱՆԱՎՈՎ ՓՈԽԱԴՐՄԱՆ ՀԱՄԱՐ ՊԱՀՊԱՆՈՒԹՅԱՆ ՀԱՆՁՆՎԱԾ ԶԵՆՔԻ ՄԱՍԻՆ

1. Մեկնման օդանավակայան _____ « ____ » _____ 201 թ.

Ավիացիոն անվտանգության ծառայության (ԱԱԾ) հերթափոխի պետ _____
(անունը, ազգանունը)

Ոստիկանության գծային բաժնի ծառայող _____
(պաշտոնը,

կոչումը, անունը, ազգանունը)

զենքը ՀՀ տարածք ներկրելու կամ ՀՀ տարածքից արտահանելու (նշել անհրաժեշտը) հիմքը _____

(գործուզման թերթիկի կամ թույլտվության համարը, տալու ժամանակը, ում կողմից է տրված)

չվերթ N _____ բորտ N _____ երթուղին _____

Ուղևոր _____
(ազգանունը, անունը, հայրանունը, անձնագրային տվյալները)

(նշել փոխադրվող զենքի տեսակը, մոդելը, տրամաչափը, համարը և փամփուշտների քանակը)

Զեկնիչը ընդունեց ԱԱԾ-ի հերթափոխի պետ _____
(ազգանունը, անունը) (ստորագրությունը)

Զեկնիչը և փաստաթղթերն ստուգող ոստիկանության ծառայող _____
(ազգանունը, անունը) (ստորագրությունը)

Ուղևոր _____
(անունը, ազգանունը) (ստորագրությունը)

Անձնակազմի պատասխանատու անդամ _____
(անունը, ազգանունը) (ստորագրությունը)

Զեկնիչը տեղադրված է կնքված մետաղյա արկղում _____
(նշել կնիքի համարը)

2. Ժամանման օդանավակայան _____

N _____ արձանագրությամբ՝ անձնակազմի պատասխանատու անդամ _____ - ից
(անունը, ազգանունը)

ընդունեցի զենքը, փամփուշտները _____
(նշել զենքի տեսակը, մոդելը, տրամաչափը, համարը և փամփուշտների քանակը)

ԱԱԾ-ի հերթափոխի պետ _____
(անունը, ազգանունը) (ստորագրությունը)

3. Տրված է ուղևորին _____ չվերթ N _____
(անունը, ազգանունը, անձնագրային տվյալները)

(նշել զենքի տեսակը, մոդելը, տրամաչափը, համարը և փամփուշտների քանակը)

ԱԱԾ-ի հերթափոխի պետ _____
(անունը, ազգանունը) (ստորագրությունը)

Ուղևոր _____
(անունը, ազգանունը) (ստորագրությունը)

« _____ » _____ 201 թ. ».

11) լրացնել հետևյալ բովանդակությամբ նոր՝ N N 4 և 5 ձևերով.

«Ձև N 4

Ա Ր Ձ Ա Ն Ա Գ Ր ՈՒ Թ Յ ՈՒ Ն N _____

ՕԴԱՆԱՎԻ ԱՆՁՆԱԿԱԶՄԻ ԽՑԻԿՈՒՄ ՓՈԽԱԴՐՄԱՆ ՀԱՄԱՐ ՊԱՀՊԱՆՈՒԹՅԱՆ
ՀԱՆՁՆՎԱԾ ԶԵՆՔԻ ՄԱՍԻՆ

Իրավապահ մարմնի ծառայող

_____ (նշել իրավապահ մարմնի անվանումը, ծառայողի պաշտոնը)

_____ (կոչումը, անուն, ազգանունը)

Օղանավի հրամանատար

_____ (անուն, ազգանունը)

Չվերթ N _____ երթուղին _____

Ստուգեցի և թոփչքի ընթացքում պահպանության հանձնեցի

_____ (նշել զենքի տեսակը, մոդելը,

_____ տրամաչափը, համարը և փամփուշտների քանակը)

Հանձնեց _____ « _____ » _____ 201 թ.
(անունը, ազգանունը) (ստորագրությունը)

Ընդունեց _____ « _____ » _____ 201 թ.
(անունը, ազգանունը) (ստորագրությունը)

Մ Ա Տ Յ Ա Ն

ՓՈԽԱԴՐՎՈՂ ԶԵՆՔԻ ՄՏՈՒԳՄԱՆ

Սկսվել է « _____ 20 թ.

Ավարտվել է « _____ 20 թ.

Ծանոթագրություն

1. Փոխադրվող զենքի ստուգման մատյանը համարակալվում, կարվում և կնքվում է ոստիկանության գծային բաժնի քարտուղարությունում:
2. Փոխադրվող զենքի ստուգման մատյանի չափը A4 ֆորմատի է (210x297 մմ):
3. Փոխադրվող զենքի ստուգման մատյանում գրառումները կատարվում են ընթերցելի ձևազրույթով:
4. Արգելվում է փոխադրվող զենքի ստուգման մատյանում կողմնակի գրառումներ կատարելը:

ՈՒԿ	Ձևք փոխադրողի անունը, ազգանունը, հայրանունը, անձնագրի սերիան, համարը, երբ և ում կողմից է տրված	Փոխադրման ուժի մասին (ներկրում կամ արտահանում)	Ձևքի փոխադրման հիմքը (թույլտվություն կամ գործողման վկայական)	Ձևքի տեսակը, մոդելը, տրամաչափը, համարը, փանվիշտների քանակը	Ստուգողի պաշտոնը, կոչումը, անունը և ազգանունը	Ստորագրությունը	Անստիպել

»:

2. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը: